



Broj: 02-11-2633/20-AP-4
Datum: 21.9.2020. godine

Na osnovu člana 39. Statuta Općine Zavidovići ("Službeni glasnik Općine Zavidovići", broj: 5/08 i 5a/08), Odluke o izvršavanju Budžeta Općine Zavidovići za 2020. godinu („Službeni glasnik Općine Zavidovići“, broj:12/19), Zaključka Općinskog načelnika o usvajanju Programa utroška sredstava prema Odluci o izvršavanju Budžeta Općine Zavidovići za 2020. godinu planiranih na poziciji Tekući grantovi Službe za upravu društvenih djelatnosti i opću upravu, broj: 02-11-369/20 od 05.02.2020. godine i člana III Odluke Općinskog načelnika Zavidovići o korištenju sredstava za dodjelu stipendija redovnim studentima prvog i drugog ciklusa studija sa prebivalištem na području općine Zavidovići za akademsku 2019/2020.godinu, broj: 02-11-2633/20-AP-2 od 18.09.2020.godine, Općinski načelnik Zavidovići donosi:

K R I T E R I J E

o dodjeli stipendija redovnim studentima prvog i drugog ciklusa studija sa prebivalištem na području općine Zavidovići za akademsku 2019/2020.godinu

I

Iz Budžeta Općine Zavidovići dodjeljivat će se stipendije redovnim studentima, prvog i drugog ciklusa studija visokoškolskih ustanova, sa prebivalištem na području općine Zavidovići, koji ispunjavaju uvjete utvrđene ovim kriterijima i konkursom.

II

Stipendiju može dobiti student državljanin Bosne i Hercegovine sa stalnim prebivalištem na području općine Zavidovići koji studira na visokoškolskoj ustanovi u Bosni i Hercegovini ili izvan Bosne i Hercegovine.

Pravo na dodjelu stipendije studenti mogu ostvariti uz ispunjavanje općih kriterija:

- da nisu ni u kakvom radnom odnosu,
- da ne koriste usluge smještaja i ishrane u studentskim domovima koje sufinansira nadležno ministarstvo bilo kog nivoa vlasti,
- da ne primaju stipendiju u/iz BiH po bilo kom drugom osnovu,
- da ne obnavljaju godinu studija,
- da nisu u statusu apsolventa,
- da nisu studenti koji su u akademskoj 2018/2019.godini ostvarili pravo na stipendiju kao studenti prve godine studija, a u akademskoj 2019/2020.godini su ponovo upisali prvu godinu studija na nekom drugom fakultetu,
- da nisu već bilo kada pohađali istu godinu studija (ranije studiranje ili promjena fakulteta),
- da student i njegovi roditelji ili bračni drug imaju prebivalište na području općine Zavidovići

III

Studenti koji ispunjavaju opće kriterije boduju se po posebnim kriterijima:

1. OSTVARENI USPJEH (studenti prve godine prvog ciklusa studija)
 - a) Ostvareni uspjeh u srednjoj školi:

- za studente koji su u toku srednjoškolskog obrazovanja ostvarili prosječan uspjeh odličan, bodovanje se vrši tako što se prosječna ocjena uspjeha uveća za 4 i množi koeficijentom 5,
- za studente koji su u toku srednjoškolskog obrazovanja ostvarili prosječan uspjeh vrlo dobar, bodovanje se vrši tako što se prosječna ocjena uspjeha uveća za 3 i množi koeficijentom 5,
- za studente koji su u toku srednjoškolskog obrazovanja ostvarili prosječan uspjeh dobar, bodovanje se vrši tako što se prosječna ocjena uspjeha uveća za 2 i množi koeficijentom 5,
- za studente koji su u toku srednjoškolskog obrazovanja ostvarili prosječan uspjeh dovoljan, bodovanje se vrši tako što se prosječna ocjena uspjeha uveća za 1 i množi koeficijentom 5.

b) Studentima prve godine koji su bili učenici generacije u srednjoj školi dodaje se još 25 bodova.

2. OSTVARENI USPJEH (studenti druge i viših godina prvog ciklusa studija, kao i studenti prve/druge godine drugog ciklusa studija):

- a) bodovanje se vrši tako što se prosječna ocjena svih položenih ispita u toku studija, uključujući i prvi ciklus, množi koeficijentom 5,
- b) studentima koji su ostvarili najmanje prosječnu ocjenu 9,00 ili ekvivalent, pored množenja koeficijentom 5 dodaje se još 5 bodova.
- c) studentima drugog ciklusa sa obavezom dvosemestralne pripreme i usavršavanja stranog jezika prije zvaničnog polaganja ispita iz programa drugog ciklusa, tokom ova dva semestra kao i na prvoj godini uključivanja u nastavu sa ispitima iz struke, vrednuje se prosječna ocjena svih položenih ispita u toku prvog ciklusa studija.

3. GODINA STUDIJA

- a) studenti druge godine - 4 boda,
- b) studenti treće godine - 6 bodova,
- c) studenti četvrte godine - 8 bodova,
- d) studenti pete godine - 10 bodova,
- e) studenti šeste godine - 12 bodova.

NAPOMENA: U skladu s članom 5. stav 1. Okvirnog zakona o visokom obrazovanju, prvi ciklus studija traje najmanje tri najviše četiri godine. Jedna godina studija vrednuje se sa 60 ECTS bodova (European Credit Transfe System). Iz odredbi člana 5. stav 1. izuzima se studij medicinske grupne nauke, koji se u prvom ciklusu studija vrednuje do 360 ECTS bodova, odnosno koji može trajati do 6 godina.

Drugi ciklus studija traje jednu ili dvije godine (zavisno od trajanja prvog ciklusa studija i ne računajući dodatno, u statusu redovnog studenta, dvosemestralno usavršavanje stranog jezika na kojem se izvodi nastava upisanog drugog ciklusa studija) i vrednuje se tako da u zbiru s prvim ciklusom studija nosi 300 ECTS bodova. Koncept trajanja prvog i drugog ciklusa studija može biti: 3+2, 4+1 i 4+2.

Studentima prve godine drugog ciklusa studija po konceptu 3+2 dodaje se 8 bodova (što odgovara četvrtoj godini studija).

Studentima druge godine drugog ciklusa studija po konceptu 3+2 dodaje se 10 bodova (što odgovara petoj godini studija).

Studentima drugog ciklusa studija po konceptu 4+1 dodaje se 10 bodova (što odgovara petoj godini studija).

Studentima drugog ciklusa studija po konceptu 4+2 dodaje se 12 bodova (što odgovara šestoj godini studija gdje pripadaju i redovni studenti sa obavezom dvosemestralne „pripreme“ i usavršavanja stranog jezika prije zvaničnog polaganja ispita iz programa drugog ciklusa).

4.EKONOMSKO-SOCIJALNA SITUACIJA

Bodovanje će se izvršiti na osnovu ukupnih mjesečnih primanja porodice po članu domaćinstva, a prema kućnoj listi i priloženom dokazu o statusu za svakog člana domaćinstva kako slijedi:

- do 80 KM	- 25 bodova,
- od 81 -120 KM	- 20 bodova,
- od 121 -150 KM	- 15 bodova,
- od 151-200 KM	- 10 bodova,
- od 201-250 KM	- 5 bodova,
- od 251-300 KM	- 1 bod,
- preko 300 KM	- 0 bodova.

5. INVALIDNOST STUDENTA (po bilo kojem osnovu)

- a) do 40% - 3 boda,
- b) 40-70% - 5 boda,
- c) preko 70% - 8 bodova.

6. STUDENTI BEZ OBA RODITELJA – 10 bodova.

7.PRIPADNICI ROMSKE NACIONALNOSTI imaju pravo na bezuvjetnu dodjelu stipendije i u slučaju prve obnove godine studija.

IV

U slučaju istog broja bodova po svim osnovama iz tačke III ovih kriterija, prednost će se dati studentu sa boljim uspjehom.

V

Stipendije se dodjeljuju na osnovu konkursa kojim se navode uvjeti za dobijanje stipendije, potrebna dokumentacija i drugi uvjeti.

Zahtjev /obrazac se preuzima u INFO centru ili sa web stranice Općine Zavidovići. Popunjen obrazac zahtjeva sa ostalom dokumentacijom dostavlja se Općini Zavidovići – Služba za upravu društvenih djelatnosti i opću upravu, putem prijemne kancelarije /pisarnice/ ili putem pošte na adresu Ulica Safvet bega Bašagića b.b., Zavidovići.

VI

Isplata stipendije će se vršiti putem banaka - na tekući ili žiro račun studenta-korisnika.

VII

Općinski načelnik rješenjem formira komisiju koja vrši bodovanje i rangiranje kandidata, te objavljuje preliminarnu listu prema ostvarenom broju bodova. Na preliminarnu listu za dodjelu stipendija, kandidat može u roku od 8 dana od dana objavljivanja preliminarne liste, pismenim putem (preko Pisarnice) uložiti prigovor (obrazložen i utemeljen na dokazima) Službi za upravu društvenih djelatnosti i opću upravu Općine Zavidovići.

Nakon razmatranja prigovora, komisija utvrđuje konačnu rang listu za dodjelu stidendija na koju Općinski načelnik daje saglasnost.

Na konačnu listu nezadovoljni kandidati mogu uložiti žalbu Općinskom načelniku u roku od 8 dana od dana objavljivanja iste.

VIII

Stipendija po jednom korisniku iznosit će do 600,00 KM (slovima: šeststotina konvertibilnih maraka), a konačan broj stipendija i visina iste po jednom korisniku, utvrdit će se nakon provedenog konkursa.

Isplata će se, u skladu sa konačnom listom kandidata, koji ispunjavaju uvjete konkursa, izvršiti u više tranši ili jednokratno, shodno budžetskim mogućnostima, putem bankovnog računa studenta-korisnika.

IX

Kriteriji stupaju na snagu danom donošenja, a objavit će se uz tekst Konkursa, na Oglasnoj ploči i web stranici Općine Zavidovići.

OPĆINSKI NAČELNIK
Dr.sci.Hašim Mujanović

Obradila: Asima Merdanović
Kontrolisao: Idriz Alihodžić